

სახელმწიფო შესყიდვის შესახებ ხელშეკრულება N50

ერთის მხრივ, აჭარის ა.რ. ტურიზმისა და კურორტების დეპარტამენტი (შემდგომში „შემსყიდველი“) წარმოდგენილი თავმჯდომარის თინათინ ზოიძის სახით და მეორეს მხრივ, ააიპ „ევროპული საგანმანათლებლო ცენტრი“, წარმოდგენილი დირექტორის გიორგი ბენაშვილის სახით (შემდგომში მიმწოდებელი), ელექტრონული ტენდერის ჩატარების შედეგად (სატენდერო განცხადება კლასიფიკატორის (NAT220004882) კოდი - 80500000) ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე

1. ხელშეკრულების საგანი და ღირებულება

1.1. შესყიდვის ობიექტია: ტურისტული გიდის პროფესიის მსურველთათვის თეორიულ-პრაქტიკული ტრენინგის ორგანიზება, შემდეგი ტემატიკის მიხედვით:

ტურიზმის განვითარების მოკლე ისტორია. საქართველოში განვითარებული ტურიზმის სახეობები. (თეორია)	4 საათი
ექსკურსიამცოდნეობა. პროფესია გიდი. ტურის დაგეგმვა. გიდისთვის საჭირო დაწესებულება/ორგანიზაციები და ინტერნეტ რესურსები. (თეორია)	4 საათი
გიდის ფსიქოლოგია (თეორია)	3 საათი
ისტორია (საქართველო, აჭარა, ბათუმი) (თეორია)	6 საათი
ქალაქის განაშენიანება და არქიტექტურა (თეორია)	3 საათი
ქალაქ ბათუმის ტურისტული მარშრუტების ზოგადი მიმოხილვა (თეორია)	2 საათი
1. არქიტექტორული ბათუმი (პრაქტიკა)	5 საათი
2. ბათუმის ბულვარი (პრაქტიკა)	4 საათი
3. ბათუმი მუზეუმების ქალაქი (პრაქტიკა)	8 საათი
4. მულტიკულტურული და მულტისეზუალური ბათუმი (პრაქტიკა)	5 საათი
5. ნოზელის ქალაქი (პრაქტიკა)	5 საათი
6. გონიოს ციხე და სარფი (პრაქტიკა)	5 საათი
7. ბათუმის ბოტანიკური ბაღი (პრაქტიკა)	3 საათი
8. დააგემოვნე ბათუმი (პრაქტიკა)	2 საათი
9. შეიგრძენი ბათუმი (თეორიულ-პრაქტიკა)	2 საათი
პირველადი დახმარება	2 საათი
განვლილ მასალაზე კითხვა-პასუხი	5 საათი
საათების რაოდენობა სულ	68 საათი

1.2 ტრენინგის თითოეული თემა წაეკითხება ორ ჯგუფს. თითო ჯგუფში მსმენელთა რაოდენობა 15 ადამიანი (სულ 30 ადამიანი თითოეულ თემაზე).

1.3 ტრენინგის ყველა დეტალი უნდა განხორციელდეს შემსყიდველთან შეთანხმებით.

1.4. ხელშეკრულების საერთო ღირებულება შეადგენს **27500 (ოცდაშვიდი ათას ხუთასი)** ლარს, (ფასების ცხრილი დანართი N1 თან ახლავს წინამდებარე ხელშეკრულებას და წარმოადგენს მის განუყოფელ ნაწილს.

1.5 ხელშეკრულების საერთო ღირებულება მოიცავს მიმწოდებლის ყველა ხარჯსა და საქართველოს კანონმდებლობით გათვალისწინებულ ყველა გადასახადს.

2. მხარეთა ვალდებულებები

2.1. მიმწოდებელი ვალდებულია:

- ✓ შეხვედრა შემსყიდველთან თეორიულ-პრაქტიკული ტრენინგის ორგანიზების დეტალურად განხილვისათვის;
- ✓ მოახდინოს ცალკეული თემის მიხედვით კვალიფიციური სპეციალისტ(ებ)ის/ლექტორ(ებ)ის/ტრენერ(ებ)ის მოწვევა.
- ✓ მოწვეულ სპეციალისტებთან ერთად წასაკითხი თემების დამუშავება და ტრენინგ-კურსამდე 5 დღით ადრე ელექტრონულად შემსყიდველისთვის მოწოდება, რომლებიც შემდგომ დაეგზავნებათ კურსის მსმენელებს;
- ✓ მოწვეული სპეციალისტ(ებ)ის მონაწილეობით საპრეზენტაციო მასალის მომზადება, რომელშიც აუცილებლად უნდა იქნას შეტანილი თემიდან გამომდინარე თვალსაჩინო მასალა (ფოტო მასალა, ნახატები, ცხრილები, ვიდეო მასალა და ა.შ.);
- ✓ ტრენინგის დაწყებამდე, წინასწარ, 5 დღით ადრე, აჭარის არ ტურიზმისა და კურორტების დეპარტამენტთან შეთანხმებით, მსმენელთა ორივე ჯგუფისთვის ცხრილის შემუშავება და მოწოდება, ხოლო აჭარის ტურიზმისა და კურორტების დეპარტამენტი თავის მხრივ მეცადინეობის განრიგს განათავსებს სერვისის განვითარების ონლაინ პლატფორმაზე (serviceajara.ge). სასურველია, რომ ტრენინგ-კურსის ჩატარების დროდ შერჩეულ იქნას დღის მეორე ნახევარი ან საღამო საათები;
- ✓ აწარმოოს ტრენინგის დასწრების კონტროლის ჟურნალი (აღნიშვნის ჟურნალის ფორმა შედგება შემსყიდველთან შეთანხმებით);
- ✓ ტრენინგის ჩასატარებლად აჭარის არ ტურიზმისა და კურორტების დეპარტამენტი უსასყიდლოდ უთმობს გამარჯვებულ პრეტენდენტს დეპარტამენტის შენობაში არსებულ საკონფერენციო დარბაზს. გამარჯვებულმა პრეტენდენტმა უნდა უზრუნველყოს მარკერის მოწოდება და მსმენელებისათვის კურსის დასაწყისში უნდა დაარიგოს რვეულები და საწერი კალმები;
- ✓ ტრენინგის თითოეული დღისთვის წყალი და ყავა ყველა მონაწილესათვის, ხოლო შესვენებაზე ერჯერადი კვება (ლანჩის ორგანიზება). მენიუ შემსყიდველთან წინასწარი შეთანხმდებით;
- ✓ ტრენინგს უნდა ესწრებოდეს გამარჯვებული პრეტენდენტის წარმომადგენელი, რომელიც მოემსახურება ტრენინგს კვების მოწოდებაში და საკონფერენციო მომზადება-დალაგებაში;
- ✓ გასვლითი პრაქტიკული მეცადინეობისას, მარშრუტის სიგრძიდან გამომდინარე, უზრუნველყოს მონაწილეების სატრანსპორტო გადაადგილება ორივე მიმართულებით და ასევე კვებით უზრუნველყოფა რომელიმე კვების ობიექტზე;
- ✓ ტრენინგის ბოლოს კითხვა-პასუხის რეჟიმის ორგანიზება, რომელზეც დაესწრება ტრენერთა ჯგუფი და აჭარის ტურიზმისა და კურორტების წარმომადგენლები;
- ✓ საჭიროებიდან გამომდინარე, უზრუნველყოს მოწვეული სპეციალისტ(ებ)ის ღამისთევა, კვება და ტრანსპორტირება;
- ✓ სატრენინგო მომსახურების ყველა დეტალი შეათანხმოს შემსყიდველ ორგანიზაციასთან;
- ✓ სატრენინგო მომსახურების გაწევისას დაცული უნდა იყოს ახალი კორონავირუსით (SARS-CoV-2) გამოწვეულ ინფექციასთან (COVID-19) დაკავშირებული ზოგადი რეკომენდაციები;
- ✓ შესაბამისი სერტიფიკატის დამზადება (ზომა, მასალა და დიზაინი შემსყიდველთან შეთანხმებით).

2.2. შემსყიდველი ვალდებულია:

ა) გადაუხადოს მიმწოდებელს წინამდებარე ხელშეკრულებით გათვალისწინებული მომსახურების საფასური.

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

3. ხელშეკრულების შესრულების მონიტორინგი

3.1. შემსყიდველს ან მის წარმომადგენლებს საჭიროების შემთხვევაში უფლება აქვთ განახორციელონ კონტროლი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

3.2. ხელშეკრულების 3.1 პუნქტით გათვალისწინებულ კონტროლს შემსყიდველის მხრიდან განახორციელებს აჭარის ა/რ ტურიზმისა და კურორტების დეპარტამენტის სერვისის სამსახურის პირველადი სტრუქტურული ერთეულის ხელმძღვანელი ეკატერინე აბესაძე.

4. მომსახურების გაწევის პერიოდი და ადგილი

- 4.1. მომსახურების გაწევა მიმწოდებლის მიერ უნდა განხორციელდეს 2022 წლის აპრილიდან-მაისი-ივნისის პერიოდში, მაგრამ არაუგვიანეს 2022 წლის 20 ივნისამდე.
- 4.2. ტენინგები უნდა ჩატარდეს ქ. ბათუმში აჭარის არ ტურიზმისა და კურორტების საკონფერენციო დარბაზში, მისამართი: ქ. ბათუმი, ფარნავაზ მეფის ქუჩა N 84/86.

5. მომსახურების მიღება ჩაბარების წესი

- 5.1. მომსახურების მიღება-ჩაბარება განხორციელდება გაწეული მომსახურების შემდეგ, შემსყიდველისა და მიმწოდებლის უფლებამოსილი წარმომადგენლების მიერ მიღება- ჩაბარების აქტის, ან/და საგადასახადო ანგარიშ-ფაქტურის გაფორმებით.
- 5.2. მიღება-ჩაბარების აქტის ან/და საგადასახადო ანგარიშ-ფაქტურის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 5.3. შემსყიდველის მხრიდან მომსახურების მიღება-ჩაბარების აქტზე ხელმოწერი პირებია:
- ა) თინათინ ზოიძე - დეპარტამენტის თავმჯდომარე;
 - ბ) ეკატერინე აბესაძე - სერვისის სამსახურის პირველადი სტრუქტურული ერთეულის ხელმძღვანელი.

6. ანგარიშსწორება

- 6.1. ანგარიშსწორება მოხდება უნაღდო ანგარიშსწორებით ლარში.
- 6.2. ანგარიშსწორება განხორციელდება გაწეული მომსახურების შესაბამისად დოკუმენტების გაფორმებიდან 10 სამუშაო დღის განმავლობაში.

7. ხელშეკრულებაში ცვლილებების შეტანა

- 7.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 7.2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.
- 7.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8. ქვეკონტრაქტორი

- 8.1. ქვეკონტრაქტორი არ დაიშვება.

9. ხელშეკრულების პირობების შეუსრულებლობა

- 9.1. თუ მიმწოდებელი არ ასრულებს თავის ვალდებულებებს, ხელშეკრულებაში მითითებულ ვადებში, შემსყიდველი წერილობითი ფორმით აფრთხილებს მიმწოდებელს დაიცვას ხელშეკრულების პირობები.
- 9.2. თუ მიმწოდებელი დროულად არ ასრულებს ხელშეკრულებით გათვალისწინებულ პირობებს, მაშინ მას დაეკისრება პირგასამტეხლოს გადახდა ხელშეკრულების ჯამური ღირებულების 0,1%-ის ოდენობით ყოველ ვადაგადაცილებულ დღეზე.
- 9.3. თუ მიმწოდებლის მხრიდან სახეზეა არაჯეროვანი შესრულება, გარდა ვადის გადაცილების შემთხვევებისა, და მიმწოდებლისათვის დამატებითი ვადის განსაზღვრას აზრი არ აქვს, მას დაეკისრება პირგასამტეხლოს გადახდა ხელშეკრულებით გათვალისწინებული ვალდებულების 3%-ის ოდენობით.
- 9.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად შეწყვეტოს ხელშეკრულება, მოქმედი კანონმდებლობით დადგენილი წესითა და პირობებით.
- 9.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. ფორს-მაჟორი

10.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. სადავო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

12. ხელშეკრულების მოქმედების ვადა

12.1. წინამდებარე ხელშეკრულება ძალაშია მხარეების მიერ მისი ხელმოწერის თარიღიდან და მოქმედებს 2022 წლის 31 დეკემბრის ჩათვლით.

13. მხარეთა იურიდიული მისამართები და რეკვიზიტები

„შემსყიდველი“	„მიმწოდებელი“
აჭარის ავტონომიური რესპუბლიკის ტურიზმისა და კურორტების დეპარტამენტი	ააიპ „ვეროპული საგანმანათლებლო ცენტრი“
საიდენტიფიკაციო კოდი - 245427809	საიდენტიფიკაციო კოდი -416329761
ტელ: (+995) (422) 27 50 23	ტელ: +995571010503
მისამართი: ქ. ბათუმი, ფარნავაზ მეფის ქ. #84/86	მისამართი: ქ.რუსთავი, შ.რუსთაველის ქ., კორ. 26, ბ. 13
	საბანკო რეკვიზიტები:
	ს.ს. თიბისი ბანკი
	ბანკის კოდი - TBCBGE22
	ა/ნ - GE52TB7423436080100007
დეპარტამენტის თავმჯდომარე	დირექტორი
თინათინ ზოიძე	გიორგი ბენაშვილი

2022 წლის 12 აპრილის N 50 ხელშეკრულების ფასების ცხრილი

N	მომსახურების დასახელება	თემების დასახელება	ერთეულის ხანგრძლივობა	რაოდენობა და საერთო ხანგრძლივობა	სულ ფასი (ლარი)
1	სატრენინგო მომსახურება თემაზე „გიდის პროფესია, ქალაქი ბათუმი და მისი შემოგარენი“.	ტურიზმის განვითარების მოკლე ისტორია. საქართველოში განვითარებული ტურიზმის სახეობები. (თეორია)	4 სთ	2 ჯგუფი (თითო ჯგუფში 15 მონაწილე, სულ 30 ადამიანი) - თითო ჯგუფისათვის ტრენინგ-კურსის ხანგრძლივობა 68 საათი	27500
		ექსკურსიამცოდნეობა. პროფესია გიდი. ტურის დაგეგმვა. გიდისთვის საჭირო დაწესებულება/ორგანიზაციები და ინტერნეტ რესურსები. (თეორია)	4 სთ		
		გიდის ფსიქოლოგია (თეორია)	3 სთ		
		ისტორია (საქართველო, აჭარა, ბათუმი) (თეორია)	6 სთ		
		ქალაქის განაშენიანება და არქიტექტურა (თეორია)	3 სთ		
		ქალაქ ბათუმის ტურისტული მარშრუტების ზოგადი მიმოხილვა (თეორია)	2 სთ		
		არქიტექტორული ბათუმი (პრაქტიკა)	5 სთ		
		ბათუმის ბულვარი (პრაქტიკა)	4 სთ		
		ბათუმი მუზეუმების ქალაქი (პრაქტიკა)	8 სთ		
		მულტიკულტურული და მულტითნიკური ბათუმი (პრაქტიკა)	5 სთ		
		ნობელის ქალაქი (პრაქტიკა)	5 სთ		
		გონიოს ციხე და სარფი (პრაქტიკა)	5 სთ		
		ბათუმის ბოტანიკური ბაღი (პრაქტიკა)	3 სთ		
		დააგემოვნე ბათუმი (თეორია-პრაქტიკა)	2 სთ		
		შეიგრძენი ბათუმი (თეორია-პრაქტიკა)	2 სთ		
		პირველადი დახმარება (თეორია)	2 სთ		
		კითხვა-პასუხი	5 სთ		